



Statens vegvesen

Osterøy kommune

5282 LONEVÅG

Behandlande eining:
Region vest

Sakshandsamar/telefon:
Kristina Ebbing Wensaas /
55516805

Vår referanse:
17/77437-2

Dykkar referanse: Vår dato:
17/1311 – 17/10649 06.07.2017

Uttale – Varsel om oppstart planarbeid, endring og oppheving av plan – gnr. 4 bnr. 124 m.fl. – Hauge barnehage – PlanID 12532017002 – Osterøy kommune

Statens vegvesen viser til dykkar brev dagsett 30.5.2017.

Statens vegvesen har ansvar for å sjå etter at føringane i Nasjonal transportplan (NTP), statelege planretningslinjer for samordna bustad-, areal og transportplanlegging, vegnormalane og andre nasjonale og regionale arealpolitiske føringar vert ivaretekne i planlegginga. I denne planen uttalar vi oss som forvaltar av fylkesveg på vegne av fylkeskommunen og som statleg fagstyresmakt med sektoransvar på transportområdet.

Saka gjeld

Planområdet utgjer om lag 13 daa og er lokalisert på Hauge ved Hauge barnehage. Planområdet er sett av til offentlig eller privat tenesteyting og LNF i gjeldande kommuneplan. Føremålet med planarbeidet er å bygge ut Hauge barnehage med ein avdeling med tilhøyrande infrastruktur. Føremålet er i tråd med gjeldande reguleringsplan for barnehage, men område for utbygging utgjer ei utviding av planområdet som er i strid med overordna plan. Delar av arealet er regulert gjennom utbyggingsplan for Hauge barnehage og reguleringsplan for Fv 567 Hauge– Lonevåg.

Arealpolitiske føringar for planarbeidet

Målet i NTP er at fleire skal gå, sykle og reise kollektivt, at færre skal reise med bil, og det skal skje færre alvorlege trafikkulykker. Dette er vidareført i Regional transportplan for Hordaland (RTP). NTP har og ein visjon om null hardt skadde eller drepne i trafikken, og eit mål om ein halvering på talet trafikkulykker nasjonalt innan 2023. Null-visjonen ligg til

Postadresse
Statens vegvesen
Region vest
Postboks 43
6861 LEIKANGER

Telefon: 22 07 30 00
firmapost-vest@vegvesen.no
Org.nr: 971032081

Kontoradresse
Nygårdsgaten 112
5008 BERGEN

Fakturaadresse
Statens vegvesen
Regnskap
Postboks 702
9815 Vadsø

grunn for det arbeidet Statens vegvesen gjer. Vegnormalen (N100 Veg- og gateutforming) er heimla i veglova § 13, og er ein del av regelverket som søker å ivareta slike interesser. Trafikktryggleik og framkommeligheit for alle trafikantgrupper ligg til grunn for dei tekniske krava til utforming som denne handboka gir ein oversikt over.

Osterøy kommune har lokale målsetjingar i sin *Plan for trafikksikring i Osterøy kommune 2015–2019*. Hovudmåla er nullvisjonen, samt at det skal vere trygt for innbyggjarar å velje helsefremmande transportløysingar. I den tilhøyrande handlingsplanen står under organisatoriske tiltak i planavdelinga at «Alle arealplanar skal ha fokus på trafikksikring og kva ringverknadar etableringar langs vegen skapar med tanke på å sikra trygg ferdsel for alle trafikantgrupper».

Statens vegvesen har følgjande innspel til arbeidet med reguleringsplanen

Statens vegvesen bed generelt om at følgjande tema blir tekne omsyn til i reguleringsprosessar:

- Plassering og utforming av naudsynte tiltak knytt til riksveg/fylkesveg (kryss, avkøyrslar, busslommer, tilbod til mjuke trafikantar m.m.)
- Tilhøva for mjuke trafikantar mellom varsla planområde og nærliggjande målpunkt (t.d. busshaldeplassar, skule m.m.)
- Byggegrenser til riksveg/fylkesveg
- Vegtrafikkstøy
- Tekniske vegteikningar i samsvar med Statens vegvesen sine handbøker

Tilknytning til riks- og fylkesvegnett

Tilkomst til planområdet går via kommunal veg. Vi bed om at krysset mellom fylkesveg 567 og den kommunale vegen vert vurdert i planarbeidet, når det gjeld utforming i tråd med vegnormalane.

Regulering av riks- og fylkesveganlegg

Planlegging av tiltak knytt til fylkesveganlegget, slik som til dømes kryss, avkøyrslar og vegstrekingar, må skje i samråd med Statens vegvesen. Det må dokumenterast at dei planlagde vegtiltaka kan byggast i samsvar med vegnormalane og at det er avsett tilstrekkeleg areal til dei i reguleringsplanen.

Støy

Statens vegvesen føreset at krav til støydokumentasjon og -tiltak vert gjort i tråd med T1442–16 *Retningslinje for behandling av støy i arealplanlegging*.

Rekkefølgjekrav

Både kryss mellom fylkesveg og kommunalveg, samt standarden på den kommunale vegen, bør vurderast i planarbeidet. Dersom det vurderast at det er naudsynt med opparbeiding av infrastrukturen kan det vere aktuelt å knytte rekkefølgjekrav til dette.

Medverknad frå Statens vegvesen i vidare planarbeid

Statens vegvesen vil på vanleg måte uttale seg når planen vert lagt ut til offentleg ettersyn.

Plan- og forvaltningsseksjon Bergen

Med helsing

Tor Høyland
fung. seksjonssjef

Kristina Ebbing Wensaas

Dokumentet er godkjent elektronisk og har difor ingen handskrivne signaturar.

Kopi

Fylkesmannen i Hordaland, Postboks 7310, 5020 BERGEN

Hordaland fylkeskommune, Postboks 7900, 5020 BERGEN